



莊毅冠

六塊厝榕仔公

得獎感言

代先感謝評審老師的鼓勵，會當佇眾有志裡予人選著，感覺真光榮嘛真好運。接繼感謝中教大「柳川文學獎」鼓勵阮用台文寫文學。感謝阮大樹文史協會佢故鄉的序大老輩，是佢予我一个穩心仔講台語、聽台語、講故事的環境。感謝逐不時揣阮討論的林文平老師，閣有編《臺江臺語文學》、《台文戰線》、《台文通訊BONG報》、《Tâi-oân-jī台灣字雜誌》、《海翁台語文學》等台語雜誌的團隊，佢是台語文學恬靜，毋過上有力的根底。

上落尾，「牽你的手」，感謝心愛的牽手，毋管阮寫啥物，你攏講你真佻意。



六塊厝榕仔公

時間的長短跤，咧滾絞
干焦你，坐甲生根，如如不動
放鐘墜仔，共春天、共秋天
共渡來渡去

你敢會記得
竹排仔歹度，tông-hû tông-hû喘大氣
撐渡人共燒燙燙的日頭吞lueh
下淡水溪，溪水冷吱吱
摸索仔，縛排仔，蹠溪，行沙埔
渡大樹腳（kha）渡
才有才調，坐踎你跤邊
ha一喙仔燒燒的茶米茶

才一目矚
小火車khi-khok khi-khok
順鐵枝路，共酸甲轉甜的記持，渡過溪
成做這馬，生跤的放送機仔
播送的彼句
「阿娘生孀毋願嫁，欲等大樹的少年家。」
你石桌仔頂的糖仔餅，甜甲生狗蟻

才閣一目矚
新世紀已經過二十年，欲四百公里外的mài-kù
懸甲拄天，圖洗的聲嗽，利劍劍



鑿破天公伯的保護罩

雷公爍爍起冤家

高速火車-----敢好膽

咒誓，真心欲來渡？

無彩你石桌仔頂的茶，園甲焦去

今年熟人的兇狂水四界拚

風颳7級風轟轟叫

干焦你，放放放（pàng-hòng-hòng）

放風來，放雨去

干焦你，坐在在，據在

九月中的甜根仔草，共時間的面模仔

拊甲霧霧霧

無法度對焦

東北季風咻咻叫

風飛沙舞甲目矚sa-bui-sa-bui

siàm目油

雄雄

透明的天空步道頂，甜甜的笑聲搖搖幌幌

七百六十二mí-lih當生的愛情

佇退休的鐵枝路頂

牽牢牢

敢會要意

彼冬的風颳，隱痾去的舊鐵橋



全款，你微微仔笑
不動如如
干焦兩隻在地田嬰
停佇你的石桌仔頂
Ha彼喙仔新斟的茶米茶
據在
一陣顧食胡蠅
偷拈你
過期的糖仔餅

